



Mō ētahi atu mōhiohia haere ki ā
mātou paetukutuku:
www.adhb.health.nz
starship.org.nz

(Te Reo Māori)

Haere Mai

Ētahi mea me mōhio
koemō te toro i tō
whānau i te hōhipera



He wāhanga nui tō te whānau i roto i te oranga me te manaakitanga o ngā tūroro. Mā te mahi tahi ka taea e tātoute mātua whakarite kia whiwhi ngā tūroro i te manaaki tino pai rawa. Ka uru ki tēnei te tautoko i te katoa kia haumaruru ai rātou i te wā e toro ana ki ō mātou hōhipera.

Te hunga e āhei ana

I te wā o te urutā, ko te whānau anake kua tohua e te tūroro, tētahi tangata tautapa rānei ka āhei ki te toro mai. Mā tēnei e āwhina kia noho haumaruru ai tātou katoa.

Ka taea e nga tūroro te tohu kia kotahi, kia rua rānei ngā mema o te whānau kia toro mai i te wā e noho ana i te hōhipera.

Kotahi anake te tangata kua tohua, ka whakaaetia i ia rā. Me kōrero ki tētahi atu o te whānau kua tohua ina whakaaro ana koe ki te toro mai.

Mēnā he pānga KOWHEORI-19 tō te tangata e arohatia ana i te hōhipera, he uaua ake ngā tikanga toronga - tēnā kōrero ki te nēhi kaiwhakahaere.

Me pēhea te rēhita ki te toro mai

Ko te tūroro, tangata rānei kua tautapaina ki te whakatau mō te tūroro me tuku i ngā ingoa me ngā taipitopito whakapā o tētahi, ētahi rānei o te whānau e hiahia ana ki te toro mai ki te hōhipera.

Ka rēhita ngā kaimahi wāri i te tangata kua tohua ki roto i tā mātou pūnaha. Mēnā he tangata koe kua tohua ki te toro mai, mā mātou koe e imēra atu, pātuhia rānei me tētahi waehera QR.

He aha ngā whakaritenga ina tae mai koe ki ō mātou hōhipera

Ka mihimihitia koe i te tomokanga e tētahi o ā mātou kaimahi. Ko tāna mahi he tiro mēnā kei runga koe i te rēhita ki te toro mai i taua rā, me te taki i a koe kia uru ake.

Ka āhua 5 mineti te roa ki te rēhita i a koe, me te taki i a koe kia uru ake.

I te wā o te tukanga whakataki, ka hiahia mātou ki te kite i te waehera QR i tukuna ki a koe me te whiu i ētahi pātai e noho haumaruru ai tātou katoa.

I a koe e toro mai ana me mau ārai kanohi i ngā wā katoa. Mā mātou e tuku i tētahi ārai kanohi tākuta ki a koe i tō taenga mai, ā, me mau i tēnei, kua ko ngā ārai papahune. Tēnā whakamahia te patuero, whāia ngā aratohu tū tīrara, ā, haere tika ki te moenga o te tūroro e torohia atu ana e koe.

Kaua e toro mai mēnā he tohumate KOWHEORI-19 ōu, i riro rānei he whakamātautau e kī ana e pāngia ana koe e te KOWHEORI-19.

Ngā toronga i runga i te aroha

He wā anō e whai tikanga ana kia neke atu i te tangata kotahi e toro mai ana. Ko ētahi take whai tikanga:

- Ko te tautoko āpiti mā te hunga he uaua ki a rātou te whakawhiti kōrero
- Mō ngā tūroro noho roa
- Ngā tūroro kua kino kē atu tō rātou māuiui
- Ngā tūroro e whakahemohemo ana

Tēnā kōrero ki te nēhi kaiwhakahaere, te tākuta kaiārahi rānei e tiaki ana i te tangata e arohatia ana mō ngā toronga i runga i te aroha.

Te whai hononga

E wātea ana te wi-fi kore utu i te hōhipera ki te tautoko i ērā atu o te whānau me ngā hoa kia whai hononga tonu ki ngā tūroro i te hōhipera.

Ngā mihi ki a koe, mōu i ū ki te kaupapa, me te tiaki i a tātou katoa.